


敲
曲
遺
響

卷十出
十二



憨休和尚敲空遺響卷第十

關中張恂穉恭編
益州記室繼堯校



詩

壬子春予受風穴本師雲老和尚囑法請假出
山是夜風雷大作膏雨沛然兩序諸兄挽留移
時復開晴霽明日遂行賦辭

昨夜風雲會汝淵潛龍起蟄正春天雷崩剎海千山
動雨沐林臯萬卉妍林影忽開明積翠巖陰尚合暗
浮烟揮毫欲灑銷魂字卻爲心知杖不前

留別純喆禪友

泉石耽同癖，驪歌唱汝墳。行蹤多野雪，曉日半山雲。
祖席君全賴，禪燈我暫分。何時重携手，繞澗論心聞。
別楚英維那

數載懷幽愜，機鋒絕比隣。他山唯共寺，故國幾經春。
禪版香雲合，詩壇夢草新。萍踪那可定，何處寄同倫。

伊陽道中

林簇曉峯晴，伊川繞客行。孤村烟自白，亂水韻猶清。
就食懷山店，逢人問旅程。碧雲天際遠，歸雁送春聲。

硤石驛

車嶺愁人地，穀函接暮陰。斷雲飛宿雨，群鳥下危岑。
土屋居民少，桑田護草深。誰將青白眼，勘破一生心。

贈華陰孫長發明府

鍾應我嶺秀，名高華嶽齊。星垣瞻斗北，河潤藉關西。
擊壤民如市，栽花縣若谿。金甌知有卜，宸翰待親題。
同王爾獻張白石郭不憶三文學西谿看松
策杖臨谿一問松，群賢畢集賞幽叢。茶烹雪水詩腸
潤，露滴桃花石面紅。歌近清明聲雜遝，晴翻麥浪霧
溟濛。孤懷喜獲尋真趣，鵠立憑高西復東。

詠松兼贈白石

未能化石去應祗伴雲眠幹老龍鱗結枝高塵尾懸
驚濤聞唳鶴傲雪見幽賢處士家何處東林隔竹烟
華州甘露寺居

見說前朝寺今知唐代名侵門唯嶽色幽籟自松聲
月映山光動林疎木氣清可中無法說樵斧韻丁丁
其二

所志從吾好居然遠四隣閒中世味少淡處道情真
飽眼山如画癯形鶴似人寥寥空澗壑不是爲逃秦

其三

擇木看禽止褰衣坐石苔花光迎戶入松影隔溪來

供食薇頻采長吟句獨裁迂懷機不讓儘教白雲猜

贈羅冲虛真士

不記入山日松門長自靑瓠瓢盛石髓木客聽鵝經
種木生三秀書符走六丁洞簫吹徹夜舞鶴有遺翎
爲李華庵書扇

腹空無寫句紈扇喜知音雅重雙眉雪情消萬慮心
斷猿風外嘯幽鳥座間吟還憶王摩詰無生道可尋
奉酬劉涓瞻王公燮劉碧瞻王多士諸文學

桐陰午靜絕氛埃鴿怖棲枝應客來觀槿已容疎禮
樂乘輿且喜到宗雷爐添栢子香還細漏滴池蓮蓋

自開爲愛群賢能載道虎溪步過卻忘回

郭仲睹文學園亭小憩

修竹半欹斜通流引漢槎折巾高士宅分券令公家
葉響常疑雨亭香只見花坐來忘溽暑深樹聽啼鴉

爾獻過山賦贈

胸囊萬卷待鳴珂少嶽靈鍾應不訛風雅尚能驚慧
遠文章未肯遜東坡蓮峯秀聳雲邊翠桂斧聲清月
下磨把臂山房秋興切呦呦鳴鹿聽松蘿

謝李鱗伯王爾獻古心魯薛子宣梁衡伯姬星

石姬瑩石薛永日姬桂月張薦叔史丕顯王啟

夏井助我諸君子見過

徑草青長半掩門何來車馬破苔痕忘機只許鷗相
狎點首虛傳石解言柳外蟬嘶清暑簟座中茗酌勝
芳尊鳳池知待群公久護法還當憶祇園

鑿小池成簡孟名世文學

晷漏初經夏日長小池新鑿傍幽篁臨窻蕉葉抽詩
卷倒壁松陰上石牀客過林深巢鳥喚簾垂院靜草
花香誰將幻住陶真樂也學伊人水一方

留別華州諸居士

蟬聲處處響高秋笠颺西風資遠遊叅鶴姑停仙子

馭詞壇且息士人訓晴川半落天低樹野水遙橫岸
泊舟暫別檀陰徇振鐸何年再共話林丘

酬呂晉卿

理策尋幽地棲遲渭水邊寒雲生斷壑疎磬發孤烟
霽遠凝晴雪原平燒晚天比隣有高士惜醉欲逃禪

懷虎堂法第

一從分袂阻關河兩見飛螢點薜蘿土曠逢人青眼
少天空問路白雲多菊英采采秋將淡風雨蕭蕭雁
不過爲憶綸竿淮汝上蓼花深處釣滄波

端午口占

客邸淒其夏若秋蒲觴競泛幾忘憂山連蜀國三千
里水繞秦關百二州漢苑荒苔閒草闕唐宮射彈罷
媛愁焚香洗鉢長清晝煦眼榴花滿樹頭

涇上瞻眺

綠陰晴樹鎖江皋極盡平疇浚野蒿雲聳奇峯隨疊
嶂舟橫斷岸任飛濤天邊樓閣蟻千穴眼底乾坤馬
一毛爲問華山陳處士幾人曾此聽啼猿

興福寺新秋

栢護招提紫翠攢凌空爽籟動花壇千峯玉削南山
秀一葉桐飛渭水寒野徑偏宜雲去宿閒庭獨許鳥

來看漫斟茗椀消殘暑柳咽蟬聲露未乾
過慈惠菴紫谷和尚以劉介菴太史詩筮見示
依韻賦贈
葉醉霜林覆錦堆晴峯遠映夕陽開尋思客自乘龜
至借座人還解帶來築就敢煩花作雨功成豈用石
爲臺門臨渭水堪垂釣肯惜狂瀾盡挽回

喜雨

久切雲霓望春中始見蘇麥回千頃秀桑發萬條枯
洗甲邊烽靖乘時物澤敷紀年知大有吟興莫相孤
廣教寺

琪樹鬱青蔥巋然仰大雄唐朝顯慶寺秦代望夷宮
壁剩丹青古庭遺石碣豐法幢今再豎寰海振宗風
感懷

奄有林巒第一籌半窻明月半窻秋雲收雨脚連山
翠水落河聲到枕流未信索珠訝象罔豈知游刃解
庖牛柴門深扃垂簾暮立雪空懷萬古愁

尋義真兄於嘉慶寺因晤張穉恭中翰

綠樹春晴眼乍明野雲生動曉風輕門關院草僧初
定字墮庭碑石半橫公案掀翻閒瓦礫清談喜晤接
簪纓已知賓主機先契蓮社相看續舊盟

寄懷終南紫谷和尚

乾坤如此似飄蓬
望入終南興莫窮
才拙固難期隱豹
技成終是愧雕蟲
雲連密樹村多暗
市隔平原徑少通
白拂罷拈花意懶
唯君千里喜同風

其二

重重佳氣靄松龕
極目雲林思再三
鯨釣幸分同渭水
霞棲忽去望終南
神迷夢蝶飛寒澗
雁托秋空繞翠嵐
想見靈源深密處
人天無路許誰參

其三

任運還同不繫舟
古人深得自優游
苗蕃弁嶽秋初

茂派接新豐
洞上流嘯樹猿聲
清夜月落花松徑
點樵謳慚余孤岸
新棲鳥鈍羽蘆中
刷未休

奉酬張稗恭中翰次原韻

龍門喜托一登遊
賸與山中枕石頭
聞桂那堪詢太史
虛懷但願識荊州
愁連宵火秋將半
坐對唵壇興不休
句到投竿詩更好
敢期綸線共垂鈎

酬張水若太學次原韻

莫問西來出世禪
白雲紅樹自翛然
錦囊好製投佳句
丘壑何消用買錢
野外流霞飛復住
枝頭倦鳥止猶遷
應知酒市非公隱
大業還須冀濟川

酬楊芬伯文學次原韻

近來愁拙懶談禪喜接文光覺灑然魚噉墨池將硯
洗草翻書帶上階牽金門挾策唯君計竿木逢場信
我緣看取長風驚破浪漁山還解樂釣天

酬陳允中文學次原韻

昔緣邂逅在畦村今射龍光到葦門玉玦開槭輝梵
境金英殘菊媚籬籬禪牀不假嫌蘇軾書劍空忙笑
許渾欲就程庭深立雪門墻高峻可容捫

甲寅孟冬余往風穴省覲本師張穉恭中翰以
詩餞別次韻

歸覲寧辭去何堪念錫飛霜寒枯徑草露重冷鶉衣
梅市僊傳隱漆園蝶見機趨庭當有待筇杖自依依

過交口

渭水東流疾蓬心客路賒三年來古雍兩鬢欲霜華
波捲輕鷗亂舟移斷岸斜夕陽紅樹遠何處是人家

華州遇爾獻星石永日

肩橫柳栗過咸林穉隕繁霜客思深雲外鳥歸江樹
迥舖前人送羽書臨青山舊約逢知己白社新盟貴
賞音又向旅亭重惜別松風蘿月漫相尋

望太華

凌空雪涌玉蓮高獨立斜陽興倍豪絕壁千尋懸鐵
索飛梯百丈走山徠雲浮洞水從天注石撼松濤鎮
日號振策何時峯頂上還看仙子薦水桃

發華陰

颺颺潼津柳遲遲渭水濱嶽雲飛宿鳥曉日盼行人
楊震經傳聖陳搏道入神高名千古下追憶總堪隣

潼關

雄關聞百二經此復徘徊華嶽三峯峻黃河萬里來
城高金斗勝鷄唱鐵門開德在寧亡鹿咸陽豈聚灰
靈寶縣遇雨

脚底寒雲重山頭大雨來未臨函谷口已望說經臺
過客愁羈旅郵程任化裁泥途當此日吾道亦堪哀

過熊耳山

野色荒荒盡草萊眠獅臥象總成哀雲橫絕巘谿流
去日駕靈峯塔影來隻履遺瞻千載上一花韡爰萬
年開幾回躑躅頻惆悵克振家聲愧不才

渡洛水

雪花片片朔風寒濟涉無舟岸更寬石乱灘聲嘶度
馬波搖樹影倒回巒盡誇入水長人見纔覺浸膚過
客難若使神龜重叶瑞免教脚下起狂瀾

趙保道中

杖笠韓城道蕭條旅思中
土深塵跡暗村廢社壇空
野水連天碧晴霞燒晚紅
相逢各不問去路只匆匆
宿夾河甘露菴

萍踪無定住暫爲空山
留落葉飄如鳥荒雲淡若秋
簾輝蟾影直鐘動水光浮
昨夜有微雪冷風吹不休

汝川晚行

風穴幾時到晚行不暫停
暝沙搏雁白沆漭闕峯青
担从肩知重途遙杖覺靈
翻思黃面老雪夜覩明星

入風穴山

谷口蒼涼萬木深
冰天朔氣釀獅林
空心潭影恒朝夕
悅鳥山光自古今
囑累幸蒙親入室
再叅敢冀喝傳心
潺湲澗水長流澤
若個窮源肯爲尋

十一月初三日到山本師先於九月已赴汝寧
慧文之請以雪兆法兄繼席賦贈

心馳歸覲切師去到方聞
萬木仍幽壑千峯鎖白雲
羨君能繼席愧我贈無文
試看家聲振禪燈遍界分
懷本師雲老和尚

移竿何處靜垂綸
鯨釣仍分汝水濱
一世銜冤叨父訓
三年累德愧門人
茶香鼎熟松窻語
殿古寒深坐敲空遺響

榻塵好是行藏無可覓朋儕相向話來因

禮沼祖像

真儀今再禮何處問師心道火輝千古峯高舜萬尋
乾坤騰浩氣江漢注靈襟頂相無能見鐘聲出暮林
法雲洞有感

當年棲息地今復見行藏駿骨逸天馬奇毛翥鳳凰
苔封仍仄徑薜蘿已沿墻翳鬱峯巒秀綢繆殿閣張
一枝巢父穩十芻淨各良竇啓乾坤隘窻開日月光
高巖無六月古木有千章鈴語天風動溪鳴石瀨長
清涼圖入梵絳葉柿飛霜塔影輝蟾魄松濤涌法堂
雲生烟壑杳雨歇菅茅香澤廣山藏豹林深角挂羊
靈花韞疊疊覺樹茂昌昌感遇誠非偶狎盟豈是狂
遐心胡爾棄斯道屬儂行裕後聲烜赫光前燄焯煌
顧瞻爲復眺憶念不能忘

風穴方丈同雪兆兄夜話

秦西燕北兩分光坐對寒燈話夜長壁落短筇扶瘦
影甌花泛茗潤枯腸半生知己連禪榻奕世同門振
祖綱最是劇懷談不盡滿天零露欲飛霜

尋思明禪師故址

庭前古栢尚垂陰遺蹟空存事已沉唯有汝墳江上

月孤光夜夜照禪心

冬日簡楹礎文學索詠卽事

合浦珠沉用已潛瓊漿漫說水晶鹽
墀間總見齊人乞李下休誇仲子廉
剖石未能憐卞璧臨風猶易息
燈炎曠懷獨許寒山子凍筆時呵未放拈

其二

屈放當時獨善身何如舍己以從人
簞瓢有意非真樂裘褐無心不是貧
幾度嶺梅香晚歲數莖雪竹傲
芳辰年來未覓同文社孰向窮經問泣麟

寄紫谷和尚

占得幽棲適性靈東風蘭壑自香馨
如何獨有金剛眼不向人間逐浪青

送憨月禪人聽講罷歸靈源

已知黃葉止啼錢萬里終南獨往還
竹杖頭開撐霽雪芒屨跟斷踏春泉
迎風解頰桃將笑向日舒眉柳
欲妍歸到靈源呈舊面莫將此話作機緣

新晴野望

細雨霏霏漬草根新晴喜見補燒痕
烟沉濕氣霾山麓花映寒光照水村
歸雁有聲天際迴片雲垂翳日
邊昏應知芋火煨衡懶石上松蘿只自捫

其二

新晴野望遠山根草色微微染翠痕綠水通渠過柳
陌紅霞放眼入花村泥銜燕嘴香猶滑醉倒金尊日
已昏何處茶烟高避鶴松稍占斷風常捫

賦得二月山城未見花

山堂繾綣獨謳吟歸雁飛飛向北林
蟾有晴絲垂几
庭無花片惜春陰
尋源不汎漁人棹
滋畹虛懷楚
客心遙憶江南遊
詠處鷓鴣啼落亂紅深

紫谷和尚以書并詩見貽口占兼贈補菴禪師
松風叟叟遠塵埃
鵲噪高枝報客來
古調詠詩傳雪

嶺翠雲捧日照香臺喜瞻佳句金聲振坐接清談玉
塵開此際林泉咸屬望人天一吼響如雷

原上書所見

涇原南望盡平川村樹啼烏夕照懸
蕭相城空耕后
土漢王陵在牧荒烟千峯落色來天外
二水競流伏
檻前古道無人行跡少
野花芳草自年年

春日漫興

餘寒消盡屬東風是處春光物色同
石罅草絲縫漸
綠花嬌桃葉襯偏紅
盈盈一水江初漲
鬱鬱千林画
自工幾許歸鴻歸未得
煖沙由在夕陽中

雜詠

韶光二月半春殘花事紛紜興欲闌渭北水聲同海
甸終南山色似龍安菜根香散晨炊熟土井泉深綆
汲難見說幾多塵世客茫茫欹枕夢邯鄲

晚眺

漠漠川原鎖夕暉遙天盡處鴈行飛秦宮隋苑樵歌
起漢寢唐陵牧笛歸南北山峯青不斷高低春樹綠
還稀璜谿只在平蕪外時有清風拂釣磯

興福書懷

偶作三秦客春深涇水邊衝波看躍鯉扃院聽飛鳶

茶熟來修靜詩成寄草玄嶺南與濟北祖擔自橫肩

懷張穉恭中翰

涇水溶溶臘雪消春光二月興偏饒放開柳眼盈芳
陌笑破桃腮綴露條壟外看雲秦樹曉風前倚杖楚
天遙池塘綠轉將蛙部物格由能憶子韶

雨中懷友

蕤柯翠滴半松杉園杏花飛墜鳥銜遙憶碧巖高隱
處一簾疎雨論風旛

寺中杏花

曾向文林葆聖胎仙葩今對法筵開紅英浥露乘春

艷粉萼濃香過臘梅十里不隨塵馬去孤村豈逐酒
旗回枝枝笑破頭陀面戲蝶遊蜂莫浪猜
閱本草洞詮集藥名簡李柱宇居士
絢縕淑氣瑞香濃藁本時刪益智功日檢青箱循舊
業花縈紫苑發新叢鎖陽山徑無水片續斷溪流有
木通竹榻使君過半夏窻櫺故紙不防風

桃花

露浥芳姿濕絳痕春暉綺樹麗香溫光搖晴日參差
影色映江天遠近村流水何年通釣艇令人沒世憶
仙源殷勤欲訪漁郎問寂寞東風正掩門

寒食前一日

相將節序屆清明土霧昏昏未肯晴歷世百年虛夢
幻謀生千計泛蓬瀛座中桃李皆春色枝上笙簧盡
鳥聲景候遷移憐駐錫麻衣重補欲身輕

供佛前瓶花

閒把瓶花插幾枝翩翩蛺蝶滿庭墀一簾風細幽香
散縱是瞿曇也不知

雲菴老衲至

憶爾當年禮覲時皤皤兩鬢已垂絲分持衛食癯形
怯遠歷風塵健步奇芳草無言春欲暮落花深徑自

支藜西來若問庭前栢趙老婆心說向誰
遣意

花泫芳叢露荒原已及春筇枯形節瘦苔破辨痕新
處世難知已臨機不讓人幽居惟養拙大塊一閒身
其二

野色彌芳草春光逐杖藜苔生青砌石燕掠素塵泥
築塢花爲徑裁衣布作畦南華雖有述物性總難齊

其三

雨濕春花艷風牽徑草長瞰流窮遠水掃榻倩叢篁
難字書多檢澄心世久忘纖纖林外月疎影落微涼

其四

卻勝山林僻而無廛市喧軍持時貯水瓦鼎日生烟
雨後園蔬長枝垂菓樹偏閒來書草聖那復傲張顛

涇川看桃花

臨崖俯瞰錦山川灼灼天桃氣欲然爛熳晴霞擬繡
嶺芬緜香霧靄春烟但教涇水通漁櫂未必秦時有
洞天青帝若能常似舊蓬萊無復羨三千

閒居咏歎

閒來徙倚悵飛鵬世厲如羈足鞬繩迷屨常深方丈
草曝陽時補坐牀藤每思立雪巖前可更憶傳衣嶺

外能誰惜少林西祖意千峯高處幾曾登

曳杖

看山隨野外曳杖過村前犬熟無驚吠榆生有繫錢
青黃兼菜麥南北雜桑田景物同人意風光勝去年

閒步

處處聽啼鳥行行踏落花好風牽壞衲白日映流霞
樹老莓苔積原平眺眼餘炊烟新篝火隔堡是人家

春暮

寺古依平麓春深靜隱淪落花紅雨亂歸雁白雲屯
坐觀無生理覺從有漏身萋萋芳草外不盡醉遊人

止默禪人見過

春光疇肯惜友愛獨相隣辨盡諸方眼師宗未可入
天涯猶布衲世界老風塵久矣禪鋒歇因君話主賓

喜禪枝從風穴至

小窻聞鳥語關外故人來塵世悲戎馬禪燈冷砌苔
書從前月寄懷向此時開離思應無限深宵話燭灰
得新蔡金粟冲涵法兄書

蔡州拂袖自城南屈指頻過歲已三別後卻憐消息
杳書來忽得驪珠探關河暮雨西風疾江漢春泥燕
子含紙上猶旌興福好放禪鐘寂久停參

得風穴雪兆法兄書

野外連天草春光欲暮時看山移白日聽樹嘯黃鸝
花落風還細簾疎月到遲同條千里外尺素遠相持
雪兒以任木菴草書見貽

春色滿花溼春光靄戶庭遠山殘照紫古栢一林青
墨氣飛香翰龍蛇走筆靈千金真罕購什襲在茅亭
西瑞禪人見過

雨洗空階淨門關院草深看花成獨笑展卷只孤吟
篆裊爐烟散香浮茗椀斟何當過問訊一慰客居心
懷張水若

繁陰交漸綠春去夏初臨花落常疑雨鳥飛只在林
檢書將擬見過客喜聞音想得心齋處閒雲坐自深

偶占

青青草色滿春池坐倚南窗檢舊詩花意不知禪影
瘦破顏猶笑飲光師

大雨

翻盆不住潑天涼蚯蚓緣堦上法堂點點含生垂樹
葉聲聲冷翠濕苔光函經飽蠹成雕篆巢燕饑雛語
画梁坐看帶雲飛鬣鬣墨花詩草硯田荒

雨中感懷

山寺蕭疎過雨頻
蟲聲寂寂久爲堙
青迷遠岫高低
樹綠襯沿墻上下
茵画幔香消梅紙
潤翻經蠹損帙
痕新可憐少室花
三放那識靈苗別
有春

偶興

長夏高原事事幽
荆扉獨啓看雲流
虛堂漫自調龍
象諧俗無妨磨馬
牛薄暮江天風浙
歷連村晴樹鳥
勾舟殷勤好向磻
谿問近日何人用
直鈎

夏日

原高地僻勝居山
雖設柴門亦不關
說法堂前蔬圃
綠沿堦石上蘚痕
斑投詩有客長過
榻瞬目無人爲

破顏黃鳥時聞深
樹裏高枝不住語
綿蠻

傍池柳

傍池楊柳綠浮烟
半近村居半寺邊
綴露還同隋苑
曉飛花不取漢宮
憐風前嫋嫋思張
緒月下聲聲叫
杜鵑勿謂荒原羈
絡馬長條今已見
參天

唐宗聖文學索予近草

奇字相忘近日無
那堪髦俊說工夫
拈香擇火人皆
見種月鋤雲我自
圖子建文章推繡
虎蒙莊岩穴等
豐狐對君不惜金
山問雲衲還將贈
碩儒

晏起

三竿過懶廢垂綸積厚蒼苔滿院新濕氣尚蒸前夕
雨晴軒猶淨隔窓塵栢欹檻外頻傾露鳥語枝頭似
喚人俯仰衡門歌復嘯誰知此意適吾真

望終南

松門鎮日望南山碧嶂丹崖杳靄間秀色詎知供飽
眼明霞相對益頽頽雨添樹杪峯多翠水落雲根石
自斑行道比年人似粟幾能幽壑共雲閒

獨坐

深院無人坐亦佳柴牀終日絕安排吟風好鳥歸清
梵斜月疎林到素懷向去寒暄都契合近來言笑總

成乖閒雲解謝車塵跡長抱青山獨偶諧

仄室

仄室新成構簷低我則降坐禪人在榻捲幔月臨窓
露下凝珠網花飛點石缸幽棲擬丈室垂釣憶三江

贈李柱宇居士

岐黃學術素儒冠三徑田園樂自安屋後栽松方處
士門前種柳賸休官童顏不向丹經駐蓮漏還從白
社看愛爾塵緣姑少暇時携鳩杖訪宗壇

述懷

茅檐土榻分元甘養志崇高自古談懶瓚黃麻曾止

鳳芙蓉紫服幾回驂緣從何地今居北道在隨方任
指南疇念秋深臨祖域忍將高臥放痴憨

墻邊樹

墻邊多種樹愛爾獨繁陰白拂枯僧定匡牀古佛心
枝高根自固幹老葉還森闐寂聊相近翫珠時一吟

溽暑

大暑流金處弗寧濃陰日午罩槐庭老榆作枕將移
輦童子敲門欲上經蝶避炎蒸香翅軟鶴愁巢孕古
松青獅絃漫調嵩山曲未識何人爲解聽

五月十三請觀俳優卽席口占用酬諸社長

山莊習俗慣來頻高架俳優用享神媚眼功名今日
戲浮雲富貴暫時人當場喜着衣冠美轉盼愁看艷
冶塵做盡機關成一笑更闌人散總非真

懷聖泉滄涵法兄和尚

千林搖落葉飛霜一帶晴川半夕陽紫塞沙寒迴雁
陣昆明露冷墜蓮房旋春脫粟炊新飯漫記殘編檢
舊囊幾度郢原高處望茫茫雲樹鬢毛蒼

過嘉慶寺贈義真兄

去年此日到禪窩今日携筇喜又過已見布金成梵
宇更瞻留玉有檀那黃花霜徑同緣少紅葉秋林入

畫多自是願輪超象外還將寶筏渡娑婆

壽張穉恭中翰六袞

經天甲子始週輪畢集群賢慶誕辰出世昔曾稱一
佛懸車今已樂三秦緣從西竺窮真諦豈羨南華說
大椿居士青蓮詩酒在知君金粟是前身

對客

高原獨偃息巨釣久沉鯨愛月不關戶看山還倚楹
秋深平野闊葉落半窓明未解幽栖者空憐白髮生

堯率寺丈室

一塢如山卜此居烟花象外賸茅廬簷非避俗低頭

早榻止容身願足餘晴霽曉開村樹密鐘聲晚度夜
窻虛毘耶丈室休嫌隘獅座何曾滿得渠

清福寺咏竹

託根依淨土冥密翠何深傍石穿花逕巡檐護榻陰
枝高還倦鳥節上自虛心底事相看客敲門亦爲尋
送張康恭明府之任吳江

籍甚清名久欣傳寇借吳王心抒遠眷民瘼望來蘇
江濶風帆迥雲間漢月孤登庸思碩輔終始侯水壺

送水若太學之吳門

喜托隣居近機緣契獨深投閒來半日知妄息三心

麥隴移秋候河梁動別吟虎丘多聖蹟舫到亦相尋
夏日張稗恭中翰巢連之孝廉雷在南明經李
中極劉君朗張元昭張復恭張亮恭張愚公張
壽恭張董若楊芬伯張周若諸君子招過嘉慶
元昭以詩相贈奉酬次原韻
雅集祇園午夏長彬彬文質倍風光詞工白雪塵都
淨句入青蓮世亦忘燒晚雲霞鋪地錦橫岡草樹噴
天香伊蒲幸飫群公饌好待栽蓮過草堂

酬張愚公文學次原韻

何處存知己居然借一丘若將容我懶豈爲避人讐

野曠蒼烟合輒拋白璧收景從懷斗仰明月滿齋頭

再答愚公依原韻

常思顏子樂第一出塵流跡混形俱化機忘道可求
鵝瓶欣陸亘蝶夢托莊周末到無心地關情總是愁

其二

長揖風塵客還如出獄囚因無心所住故有語相投
聽籟從諸響看雲每獨留念能枯得盡底事怕驚鷗
新住堯率寺張稗恭中翰偕劉君朗張亮恭二
文學見過僧蘭馨索詠偶成

烟花超象外寂歷靜何其屋破從雲補垣頽任草支

偶因僧索偈倏爾詠成詩高士亦來此社蓮若可期
雨後東義真禪友

雨後稍清暢幽尋獨坐時偶舒空裏眼未是眺中詩
綠蔭前村樹紅披曙日曦無人知此意唯羨義真師

第十一

懋休和尚敲空遺響卷第十一

關中張恂穉恭編閱

益州記室繼堯校訂

詩

張愚公文學以午日倡和詩見示索和次韻
孤雲踪跡向關中野性難堪此日同投黍那能憐水
國奪標固是羨英雄籬邊艾葉搖風綠檻外榴花照
眼紅聞道品題賡白雪寡酬還應屬文翁

其二

好掛詩瓢翠靄中幸逢佳節賞心同爐錘易襲雕龍
敲空遺響

隱蒲酒爭看畫虎雄堦面苔深長掩綠墻頭杏熟爛
堆紅從來詞翰非吾有得失何關付塞翁

愚公邀過書齋問及宗門中事

林間掃石合堪眠竹報相邀過士筵鹿豕性情如是
佛麒麟勲業恐非仙安心久已離諸妄遊樂何妨涉
衆緣若問西來端的意鷄冠花發秀堦前

兜率寺早發呈釋恭中翰

天霽雲收曙色開芒鞋濕露半粘苔積塵一夜風吹
去初日高林影射來花自密時聞鳥語樹當闕處見
樓臺推敲漫學騎驢背敢倩文公逐句裁

贈焦魁明居士

水邊林下道人家物外幽閒絕市譁未把琴書消世
累只將耕稼樂烟霞青霄搏翼早圖鳥白業修身馭
大車邀我一食禪悅飯庭陰午過夕陽斜

興善寺答理仲木文學

莫厭天涯頻作客且回淚眼息征衣禪房寂寞堪瀟
灑淨土於今正好歸

葆光樓用韻

翛然一榻寄樓中四壁蕭疎孰與同只見悲秋憐宋
玉豈知玄草誤楊雄雲書雁字行飛白葉剪霜林醉

落紅何處砧聲催暮雨閑忙得坐看隣翁

題畫牡丹

名花只合在瑤臺誰遣丹青妙筆裁巧奪洛陽枝上色真如懸圃苑中開繁華眼底空塵跡濃艷春長送客杯未是沉香亭畔友奴郎不用妬詩才

畫玉蘭

一種超然淨有神誰將膩粉汙埃塵還疑薜葡林中影悞作同昌觀裏春潔性那堪供俗眼素心終是識高人幽齋展去閒清翫笑殺凡夫錯認真

望中州

兩年音問隔西東總是關河路不通非謂宣尼憐鳳德豈同阮籍泣途窮高林半帶村烟落遠水多從夕照紅東望汝墳叢席地可知吾道近汗隆

久不得本師雲老和尚信

胡爲一別阻秦山數載關河信息難天上槎浮還寄石人間路險是重關巾瓶久念師心切菽水疎違子道艱那得長房能縮地千峯深處奉慈顏

曝日

簾捲西風午磬時閒庭暖日獨支頤門當木落山都見路與雲平野未知一縷茶烟消白晝數莖鶴髮上敲空遺響

青絲年來調得馴龍象
捧喝而今總不施

張稗恭以涇水歌見貽次韻

鴻濛沆漭涇之水
涉者其誰究源底
天縱壺山發浩歌
鏘然韻落宮商徵
映空涵碧水茫茫
紅蓼白葦汀累累
春當二月桃花開
人家似在武陵裏
盡看驥石步蛙泥
爭得洗流清俗耳
隔岸陰森萬木閒
參差臺榭插天起
可中三徑有歸來
松菊醉吟同粟里
相憐寄我涇水歌
夕陽讀罷暮山紫

懷同門諸昆弟

不意西來建法幢
稜稜傲骨世無雙
林光喜沐春朝

雨月色疎明
午夜窻數載
關河音久絕
滿懷詩思筆
難降鄰村只
隔墻東地日
坐匡牀聽吠
尢

冬日偶興
七首

世事無干涉
塵蹤那得過
晴天連日少
宵夢入雲多
習懶從言傲
安貧只自哦
頽然唯隱几
宴寂竟如何

其二

隣村不甚遠
我住亦幽哉
待月披雲嘯
行吟踏雪開
鉗間傾貯水
隴上折新梅
誰問烟波叟
寒江獨釣臺

其三

卻憶楊岐住
翻然慰物情
古人曾樹下
今我尚簷楹

敲空遺響

卷十一

四

煨竈思中散沉酣笑步兵雪風吹片片繞屋盡虛明
其四

何處居無地於身只要安不消泉石想但覺地天寬
觸目雲千片知心竹幾竿菴西有李老終日過盤桓

其五

總不圖人鬧幽懷野興長墻根唯積雪瓦背但凝霜
已覺巢雲穩何須趨熱忙有時閒倚杖門外立斜陽

其六

昨晴天偶變四野霧冥冥問法微僧話題詩上紙屏
檐陰窗外黑栢翳眼中青幸有南車指窮途莫畏瞋

其七

荒壤無人事僧閑勝閉關若非窮世路焉得到林間
深井難爲水高原不異山樹頭看宿鳥日暮倦知還

觀賽社

一月嚴寒雪未消爐頭榾柮日頻燒不疑鼻祖安心
句猶愛顏回陋巷瓢社鼓逢逢欣聖世椒花疊疊頌
神堯陽春共薦豐年卜野色蒼茫望裏招

寄終南友人 二首

遙望終南隅倚欄復轉側長吟顧所思踏破蒼苔色
薜荔掩幽關松枝帶殘雪蓬萊人不來獨對中庭月

其二

有客終南來曠懷妙無比林間一晤顏念之何能已
梅瘦淡窓虛鳥啼深竹裏相過知幾時再見古君子
春興
愛吟不是致虛辭物外閒情世豈知語滑梁間飛燕
子冰融水面躍魚兒池塘生草聯新句花塢尋芳折
小枝一枕高齋門獨掩窓櫺影上日遲遲

過寶界寺

二首

昔年曾到此叢栢剩幽居古洞鳴鼯鼠殘經飽蠹魚
重來岩上寺已闢院中墟花意風前笑臨軒欲起予

其二

一片荒涼地層臺復構新僧從今日住花發舊時春
已釋無形累自然遠俗塵終南山色近啓戶對嶙峋
涇陽趙連城明府過訪

日照蓬門向曉開氤氳紫氣逼香臺飛鳥忽到王喬
舄驄馬今瞻御史才滿院松濤翻白雪諸天花雨點
蒼苔過溪一笑何當惜勿使攢眉去不來

張穉恭中翰見過

車塵不到日從容測影移幢報午鐘門外忽聞行客
語林間來覓野人蹤喜瞻高論推先覺快接清談愧
敲空遺響

晚逢自笑懶殘煨芋火只將閒散傲寒松

莊東杏花盛開偕二三子往觀折盈把而歸首
步屨渾忘遠春晴眺更賒隨行諸弟子歷過幾人家
綠映池邊柳紅開陌上花呼童低處折瓶插要長髮

其二

居然懶出戶乘興亦探春鳥語聞高樹垣頽見比隣
奔途塵逐客坐石野留人更覺韶華易百年老此身

其三

東來西復去花氣暖如薰嫩草將支徑炊烟忽吐雲
松間行暫歇岐處路還分漫得恣游戲歸吟興不群

雨

好雨知時節古人語亦真農工思潤土天意喜和春
菜圃花黃滿田疇麥綠勻斯倉吾願祝得共物華新

野步

閒來野步興偏賒芒屨何辭踏草芽映浦白明沙上
雁隔林紅見樹頭花千村含翠連山麓一徑穿雲到
水涯最愛夕陽春樹裏數行烟柳亂啼鴉

晤四明張石菴居士

多年杖笠滯秦山覓個知音豈等閑紙帳寒輕消客
夢林花春褪點苔斑傾懷漫記三生石問法曾叅一

字關此日涇干欣有晤好將幽句寄人間

送連城明府喬遷西安郡丞

春城花柳滿池陽正喜鶯遷此日長澤潤河山均化
雨轅攀父老誦甘棠廉貞獨尚四知畏清白惟懷兩
字香笑我林泉忘世相也隨人送祝金湯

督僧擇菜次忽空中鳥聲衆聞驚異余曰此鶴
唳也起視之一黃鶴從南飛來長鳴向北而去
大展摩霄翼長鳴近夕曛希聲乖世聽忽訝異時聞
遼海非無柱緱山尚有雲相過支遁室似共念離群
菜花

一片春疇托意深香厨未肯飽叢林葉將饑色僧同
瘦花肖東籬菊可欽堆錦漸盈村落翫遠香時引蝶
蜂尋明年好種祇園內不用檀那布地金

寄聖泉滄涵和尚

隔葉嚶嚶鳥見招聆音能不憶同條輩中道義情緣
曠格外風流本色饒愧我匡徒呈拙態輸君懷寶尚
高標想當飲犢溪流上還避許由挂樹瓢

贈舍僧正

僧正名官盛世圖好將律行整顏蕪果師翊魏前賢
例道若匡秦後哲模部牒久頒承聖教銅章新佩自
敲空遺響

皇都網維喜屬人天望衰弱門庭賴爾扶

涇陽文塔

浮圖卓出梵王宮永奠坤儀勢獨雄漢聳金鉞涵海
月空搖寶鐸振天風輪光直射千層影瑞氣平吞萬
丈虹自是鍾靈文物異筆花璀璨五雲中

述懷

荒原一住幾經年藜藿何須愧飯錢道在乘時雖濟
物自知無德且隨緣嶽連二華開天半關樹三秦匝
地連最羨終南谿壑好綠蘿空掩白雲邊

張穉恭之松陵以詩寄別次韻

爽氣清秋勝蟬聲處處幽嶽雲依嶂靜關樹帶河流
喻物能非馬全生悟解牛方思同道侶迢遞欲南遊

瞻眺

閒步易爲遠涼吹逐徑風野明秋水碧村燒晚霞紅
晴樹寒烟外歸思旅客中白雲天際迥隱隱見飛鴻
王仲孚丁有恒二孝廉過訪

秋堦塵跡少古栢自陰森雨積苔還嫩庭間葉落深
風流來二妙欬唾重雙金清會頻難得含毫莫浪吟

答劉介菴太史來韻

終南佳氣鬱崔嵬應是蘇門鍾渭河篇什從緣傳紫

谷詞鋒想見老維摩習成懶性誰知傲可笑迂懷自
亦呵方廣卽今空四大何時借坐肯來麼

劉介菴見過

松門靜掩綠於苔忽報風流學士來促膝喜從今日
論好懷都向此時開光分紫栢寒生翠座襲清香暖
放梅茅舍欲留深共語原頭暮色苦相催

次介菴來韻

瑞雪初飄似落梅柴門日掩未常開乍煨芋火誰分
去忽訝新詩客寄來蓮社應知花有種雲林不道徑
無媒何時再詰唯心論待掃松陰坐綠苔

謝客吟

三冬寢疾法牀空頗奈詩魔苦又攻說藥有方傳海
上尋醫無跡隱壺中布衾怯冷常燒炕窻紙重糊只
怕風不二文殊如借問毘耶當覓淨名翁

漫興

品字柴頭膾有樁坐聽哀雁叫滄江新抽草色將遮
眼見長松枝欲覆幢紙上情疎詩思少鐺中茶熟倦
魔降可憐太華峯頭月只照寒岩玉女窻

遊山寨藥王洞 四首

誰關方隅地深藏別有天憑空開世界極頂小秦川
敲空遺響

洞鑿知何代神靈賽幾年沿村燈火近朝暮起炊烟
其二

極目原何曠扶筇仄徑斜來尋真士蹟卻到野人家
岸樹將抽葉林藤未有花岩深堪習隱複道不妨賒

其三

陟彼層臺上靈襟爽自歌春回寒氣少塢向夕陽多
菜甲撐黃土松棚放綠蘿岩龕逢野老相揖問如何

其四

荒遊無勝侶春興獨懷濃人面迎風暖草芽出土鬆
溪深雲自密徑僻雪還封見說孫思邈昔曾制毒龍

雲禪人自長安來

紅日睡方起軀多病乃遲但言來處遠不問去何之
柳絮金千縷梨花玉一枝情悰相別久因爾足成詩

晚步

池柳垂金線花香襲客衣屐埋交步草水繞釣魚磯
晚竈炊烟起山童牧笛歸陰沉天欲雨遙望野雲飛

閒居次禪人韻

地僻幽偏勝山林景不如雨苔生石面砌草覆庭除
巢燕梁多語飛花瓣落書好將明祖意猶勝賦閑居

看梨花

偶來陌上看梨花素艷遙芬映日斜曲巷駐筇逢客
騎圍墻吠犬過人家香林快爾塵都淨雪色超然興
頗賒欲覓主人相借問廣寒擬載綠雲車

閏三月和雲侍者韻

茸茸草色綠含烟一望平蕪氣肅然柳未脫綿由月
閨花將結實褪枝鮮田間宿霧開還合野外遊絲斷
復聯閉戶只將支遁筆逍遙漫賦卻忘年

寄懷劉介菴

青苔厚積滿庭除世事無干孰問諸雨後看花紅意
密春前種樹綠陰疎吟懷近日歸詩社衰病長年卧

草廬遙憶風流劉太史燃藜正校古人書

絜然禪人靜室白牡丹盛開索詠

萬綠叢中玉一枝芬芳禪室最相宜根培淨土香偏
勝色盡囂塵品更奇閨苑瓊如水作骨藐姑仙子雪
爲肌從他凡卉爭春麗豈傲穠華學抹脂

滄涵和尚見過夜話

一碗寒燈對也堪窻間共坐夜深談蓬門長掩因多
病世路無親得放憨鷄羽文華悲楚鳳蛛絲織巧愧
吳蠶相看唯有中天月炯炯孤光照嶺南

贈邊乾行醫士

獻策歸來重葆光
杏林寄跡樂耕桑
花間蕪藥壺天曉
松下彈棋歲月長
黃鵠画成還酒債
蹇驢騎出負詩囊
不須避世稱仙隱
自是岐黃妙有方

次沈紫瀾別駕韻

抱拙幽林學鳥棲
綠陰長覆勝山溪
枝間挂錫妨花密
戶外觀泉礙竹低
苔石坐來衣染翠
野雲行去屐粘泥
何時得共陶元亮
一笑溪前破俗迷

答咸陽朗然僧會

退院歸來自在翁
芒鞋竹杖任西東
人間歲月誰知促
物外乾坤豈同續
燄有燈傳祖印
解嘲無說聽

時攻此生已了塵緣幻
何必將心再蘊空

徹機自風穴來

只將魂夢繞千峯
縹緲烟霞隔幾重
尺素久沉關塞雁
哀情空憶鼎湖龍
長途落日迷寒霧
短策疎林起暮鐘
見說白雲人偶至
出門先候道傍松

送宗禪者歸金城

金城歸去正秋意
紛紛葉落飛秦樹
風高度隴雲幾行
沙磧雁由是雪山文
德化歸鄉土
他時語欲聞

秋原晚望

草色蒼茫白露秋
高原晚望意悠悠
山銜落日餘殘
敲空遺響

照水繞洿涇抱濁流撫景常懷風木憾感時每逐塞
鴻愁長天不遣浮雲盡空使幽思在隴頭

薙髮

剃頭已見二毛新泡燄年光近五旬鼠齧枯藤悲落
日蛇攻敝篋苦羸身息機鷗鳥能忘我傲骨風塵肯
揖人閉戶嗒焉唯隱几林花開遍滿園春

雨霽

蠅書試字日消長久雨經旬懶下堂梁上續燈挑佛
火墻頭積蘚到僧房菊零露蔬枝還白秋老霜林葉
盡黃天外一行鴻雁叫砧聲處處送斜陽

過聖泉滄涵和尚

一逕逶迤入聖泉森森古栢翠含烟叅詢客到飛空
錫入社人聽刻漏蓮菊意凌霜秋未老葦根零露雁
猶眠已知靈嶼棲真地法雨何時潤八埏

禪人

同滄涵和尚遊多寶塔寺時開講楞嚴贈演聞
巍峩寶塔插雲層薄暮憑陵共一登滿院鈴聲風說
法一灣秋水月傳燈庭碑漫讀窮先哲講席新開究
上乘夢感當年曾有瑞蓮華此日又能升

石安原長夏遣懷

七十首

好風時送野花香夏日晴和覺晝長一枕南窗鼯蝶
夢從他塵世利名忙
落庭空翠映窓紗繞樹輕烟夕照斜
落庭空翠映窓紗繞樹輕烟夕照斜
寺唯餘席地種桑麻
卜得幽居萬慮消今朝那復管明朝
薔薇一任香風散睡起窓紅日影高
坂下牛羊臥綠莎人家住在半山阿
春來只隔桃花水不辨仙源是甚麼
松浮日影上茅堦
殿角支風立古臺倚杖拈題詩未
就紅生碧岫片霞來

居常自笑百無能粥飯長行一個僧
深愧出家承祖印思量何法上傳燈

安居隨分度年華戲看兒童塔聚沙
過眼浮雲且莫論夜來風掃石牀花

無媒徑路蘚痕斑終日柴門不要關
遠近村烟橫白鳥高低雲木露青山

赤日行天火燄生聲聲布穀隔林鳴
時開松戶臨溪水添得虛窓一片明

滿牀花片滿窓風檢點詩囊字字空
堦下夜來雲共臥想渠畏熱到墻東

竹戶藏陰愜素心
昨宵風雨到雲林
庭花落盡無人掃
看鳥銜飛過別岑

飯後經行一椀茶
消閒誰個似山家
籬根種得青青菜
架上紅開匾荳花

葵榴噴火映窻紅
楊柳拖烟弄晚風
最是夏初真好景
天教着我畫圖中

息陰庭樹鳥競飛
山舍寥寥隱翠微
偶到柴門聞犬吠
夕陽影裏一僧歸

雨後虛堂枕簟涼
半生消受一繩牀
竹風香過茶初熟
有客敲門到上方

戶外青山翠欲流
禪房花木最深幽
墻邊杏熟香堪摘
每日來禽啄樹頭

長夏山翁事若何
清泉白石掩松蘿
幽居自喜逢迎少
漫煮清茶遣睡魔

霞披高樹幾人家
青菜園中瓠子花
屋後千峯遮一水
小橋遙傍竹門斜

悄然無事便身安
古木陰森倚石壇
何處飛來雙白鳥
梳翎立在竹闌干

窓前雨打芭蕉葉
案上風翻梵筴書
古寺無人心自足
不同潘岳賦閒居

拄杖生涯孰理論且從一夏住荒村
林風浙浙天將雨收拾乾薪早閉門
荒徑不鋤任草萊看雲時復過山隈
隔林好鳥頻相喚欲再聽聽又轉來
原上飛飛叫鵲鴿天涯兄弟杳鴻冥
潼津不渡黃猿使華嶽三峯望裏青
殿閣風生午坐涼林花落盡草花香
朱門有客誰同此只學吹簫引鳳凰
田間苜蓿長初肥采采盈筐志不違
卻憶西山薇蕨士清風襲襲動人衣

無德如何話此宗
閑來日撫石邊松
藜羹香甞炊初熟
童子鳴椎報午鐘

不從雲水習閒身
戶外松風淨客塵
夏至纔過初伏到
南宗偏憶越鄉人

裁雲欲補舊袈裟
客至蒿湯可當茶
留得牀前三尺地
只栽黃獨不栽花

雨香庭際草青青
蜂抱花鬚繞竹櫺
壁上鉢囊高挂久
爐烟消盡一函經

雲影空浮蔭短墻
荷花初放滿池香
一身剩得閑如此
只坐堆堆納晚涼

草色迎涼穉客居微風時動拂簷虛朝來野老頻相
問墻下青青好放驢
長林豐草喜吾儕土井泉溪水最佳丘壑亦無登躡
苦一年穿得一雙鞋

猶兒長吠暮雲奔日落荒原早閉門半壁光搖隣舍
影幾家燈火照黃昏

自愛野雲懶性多放身白石枕烟蘿長林天外奇峯
立吐出芙蓉接渭河

丹崖翠壑碧層層六月深松澗有水見說其中多虎
豹好山入望是嘗登

數椽喜著白雲坳蓬戶隨僧月下敲不作南華齊物
論心閑無住念全消

晚窓紅燒樹頭霞雨過污池亂沸蛙撞破乾坤無垢
老心燈續燄到儒家

花徑尋詩雨乍晴鞦韆拖潤足還輕小橋停步看流
水樹老無枝鳥不驚

飛花亂點襲衣香石竇風來清晝涼剩得一壺冬雪
水砂鍋煨盡竹枝長

林聲咽咽亂鳴蜩七尺烏藤閣寂寥古廟齶齶聞社
鼓牟尼常事莫香燒

小圃新開蔬不多
萵苣種得百餘窠
磽田缺水遭天旱
無奈其隣又乞何
林風颯颯響疎桐
佛火琉璃夜照紅
何處鐘聲來遠寺
簾鉤新月上遙空
石壓笋篔斜迸竹
松纏薜荔倒垂藤
林間好景知多少
更有何人共懶能
霽迴長空眺眼賒
高原一望興無涯
牧童指點平蕪外
雲裏崔嵬是太華
爲憶雲林舊識稀
乘涼山翠欲沾衣
不知近日重巖下
更有何人掩竹扉

古栢森森半插天
濃陰借得一枝眠
粘衣汗濕身如洗
水觀初成不用泉

夏至繁陰草木蒼
竹風吹過煮茶香
好山多在雲邊看
滿日晴嵐帶夕陽

奇峯盛夏火雲升
花鳥不來詩也興
竹樹深深藏古寺
茶烟淡淡瀉高藤

鷓鴣啼處綠叢叢
矮屋人家蓋短松
籬落競飛黃菜蝶
門連草徑任雲封

平蕪一望野烟收
疊疊青山逐水流
不是消閒真個懶
聽鶯還到小橋頭

未得居山卻勝山
蘿門掩綠鎮長關
橫塘白鷺孤烟外
飛去飛來任往還
夢想何曾到此中
重來摩頂問靈松
閉門習我煨鐺法
下種尊他鑿地宗
烟薰細柳千枝醉
雨灑平田萬頃浮
一事不干塵俗累
消閒得似老僧不
日滿山烟淡若描
閑庭寂寂掩蓬蒿
窓前得句題蕉葉
樹下圖涼解布袍
柳栗經旬不到門
蝸文鳥篆滿堦痕
柘榴樹老枯將死
猶有殘枝帶子存

林花落盡草萋萋
霖雨新晴曳杖藜
偶啟棘籬門外去
鶯聲啼在柳塘西
草木心知不是山
住來能不放身閒
寥寥獨許誰親近
花鳥時爲扣竹關

嗒焉隱几日頽然
萬事從他不問緣
看合雨苔生綠地
迸開雲霧出青天
遣情無過是空門
隨分生涯莫要論
三尺茅蓬閒日月
一堆土竈樂乾坤

白雲依樹作隣家
繞砌黃開野菜花
土炕不燒容我懶
無求須達布金沙

總是在莊周夢裏身五陵豪貴已成塵
門前柳色年年綠不見當時舊主人

倚杖風前口自歌茅菴住在白雲阿南窗
嘯傲忘炎暑鎮日禽聲護綠蘿

雨歇長林去市遙曉風吹綠碎芭蕉飛來翠色常侵
戶漲去溪流欲斷橋

流雲冉冉繫遊絲風靜林間月到遲蓬戶不關人意
懶只聽高樹嘯黃鸝

望入繁華路孰分嗶嗶吠犬遠相聞不知麥笛歸何
處十里村烟一塢雲

積塵滿案蟻垂絲竟日無言兀坐時雲到窻前猶淡
影樹從烟裏出高枝

鶴翅橫空意欲從如何栽栢不栽松夜來夢入終南
去隱隱濤聲在萬峯

不買青山費草屨也無人世強安排白雲占斷誰收
拾狼藉山門任爾埋

夏木沉陰綠半酣曉風滴露葉猶函絺衣未着香回
澗禮對瓶花佛一龕

歲月催人老去何閒吟不厭癖爲魔胡僧漫說離文
字面壁巖前鳥跡多

燉煌寺新住

新住多勞後高廬葺未休皆因培祖道豈是趨時流
榻冷風盈室窓虛雪滿頭從來家活計不用世人愁
全孟元文學見過

荒草猶填逕蓬門今始開人從方外住客自道中來
霜氣森寒栢庭香襲老梅寺前相話久明月照蒼苔
劉允吉副戎偕吼林鯨侄禪師過訪以詩見贈

卽席次韻

城遺漢蹟上朝墩廢院新居席未温野曠霜嶙眠白
雁鑣連客騎到青門瑤篇慰籍情多感玉屑清霏道

獨存從此莫嫌荒徑遠常教屐齒被苔痕

贈吼林鯨侄禪師

獅絃響震自天都要使遺音徧四隅久向薊群空廐
馬故來秦塞蕩妖狐關河露冷哀鴻疾華嶽峯高皓
月孤異日宸衷還舜老看將白棒整頽蕪

其二

欽承帝命出皇都柳粟橫肩只自扶妙喜冠巾曾說
法憇山執戟壯雄圖天涯莫謂無知己海內何常有
丈夫冀爾他時弘祖道銀章金冊舊規模

竺法護塔

浮圖高插古城隈寂寂空庭盡草萊
破堵不完真子院荒雲猶護譯經臺
風回梵韻鈴聲出影落丘墟月色來
滿目荒涼千古思靈光肯照不然灰

送鏡如歸晉省親

雪霽望晴暉旭日在高樹游子望白雲
思親髮垂素寒空旅雁飛關河凍行路
天涯送爾歸故鄉空有慕

贈任木菴明府

汝水分攜後星霜四載過萍蹤唯我輩
錦製屬檀那佛已千家頌民傳五袴歌
琴餘庭草靜擬在碧山阿寄懷任木菴

杖笠西秦客鬢蒼每瞻北斗憶平陽
當年飽德從風穴今日鳴琴自單堂
跡阻關河秋雁迥神交寒蝶夢魂涼
華峯東去頻回首雲樹蒼茫望裏長

三臺菴

行遊西極訪靈蹤石磴攀雲上幾重渭水澄
波明素練南山蒼翠插芙蓉烟消鶴近真人
篋洞口虬盤大士松登眺竟忘歸日暮隔林
蕭寺已鳴鐘

長安故城懷古

龍飛鳳去幾遷更千古猶傳帝子城
蛇劍若知槐夢散露盤不向羽仙擎
風淒渭水寒濤壯日映驪山晚

編空遺響 卷十一
照明莫就繁華思往事離離禾黍總關情

未央宮覽古

未央臺殿久堙荒一度來登易感傷
禁苑拓耕都畝畝宮花不發已村莊
雲迎仙仗聯朝牧寺近鐘聲送夕陽
唯有終南山色在嶙峋依舊鬱蒼蒼

除夕 二首

鐘聲敲罷夜將闌圍坐爐邊話歲殘
荏苒年華今夕盡蹉跎人世幾時寬
瑩光喜結燈光蘂暖氣忻回布衲寒
更憶江南春色早梅花先得嶺頭看

其二

把茅蓋頂古今然荒院時居且順緣
奈有山形杖子在只看庭栢雪柯妍
桃符又見迎新歲竹爆俄聞送舊年
自是山家無所事莊生已賦馬蹄篇

同李孔門文學小坐

闐寂心常定幽宜小坐嘉門關深院
草蛛罥落藤花問法身爲座敲詩雪
煮茶向來賓主句可得會些些
慈恩寺有感

塔勢凌雲上巍然接彼蒼昔年弘法地
今日集賢堂樹傍橋陰合栢傳兔影涼
鐘聲林外落清韻滿山岡

聚仙橋

在慈恩寺前

橋頭聞說聚神仙
仙去橋空不記年
緱氏吹笙無馭
鶴山陰修禊有名賢
花光紅映沿溪水
柳色青迷兩岸烟
爲憶瑤臺池上客
曾來叅叩祖師禪

偶占

春盡閉門半綠苔
桃花未放杏花開
翩翩紫燕何曾到
向暖遊蜂日日來

酬李雪木先生韻

柴門常獨掩苔色
一何新旣愧栽蓮主
敢邀觀國賓
胸中無一字名誤落三秦
幸有瑤華贈光分少室春
酬張自維處士韻

怖鶴飛空響高車到
偉人風含松韻古
屐破石苔新
垂釣非辭漢尋源不問秦
臨軒留藻句座榻喜生春
題画

瑤草琪花白露汀
萬山深處有茅亭
不知那個消清暑
滿耳松濤竟日聽

訪李雪木先生

出隊未歸筇來尋渭上翁
遙看蒼野外多在白雲中
一樹啼鳩綠孤花映日紅
求安豈無計屢空許誰同
李雪木張自維二先生見過次韻

鷗絃白雪幾曾聞
花曙蓬門偶到君
藜榻坐穿東海

客林巒移愧北山文風迴葉響疑蕉雨屐破臺荒見
蘚紋談柄不辭塵尾倦錦囊佳製喜平分

壽吼林法侄

天潢多載汎慈航曳杖西來闢大荒梅杏熟時春正
晚葵榴開遍夏初長三川風月供吟嘯八水波濤湧
繡腸更有終南山色翠千秋摩漢鬱蒼蒼

圓通菴次壁間韻

畢原坡下古招提覺路金繩望不迷細柳營邊風颯
颯杜郵亭畔草萋萋壁間有詠空文藻林下何人合
杖藜明日東歸驢背不堪回首暮雲低

避雨

路斷橋仍接雲深徑卻迷花光墻外淡鳥語樹頭啼
隣叟種禾黍頭陀采藿藜雨中成少憩塵世正多泥

興善寺

金刹浮光逼紫霄長廊石記自隋朝經翻貝葉諸天
曉山接終南萬里遙丈室聯燈輝祖域空林地迥絕
塵囂攄懷未獲驚人句栢起風聲響沈寥

寄山中人

欲將煩暑問山椒避跡何如念自消瓠落無容悲短
智扶桑遠蔭憶長條過溪漫擬圖三笑挂樹猶驚去
敲空遺響

一瓢伏鼠繫駒調應否那堪岑寂厭塵囂

荅人問

近日幽棲處庭除草盡荒石顛如米芾竈煨似嵇康
聽鳥還依樹看花自遶廊接閑吾計拙無復問行藏

窗前竹

朝暮簷陰合琅玕蔓野居韻餘風定後影散月來初
製笠裁新籜行篔簹憶舊廬但將君子操時讀古人書

薦福寺

秀水蒼然帶郭陰隋家宮闕已叢林人傳塔縫開還
合鐘說神移古至今花雨尚薰叅法座烟雲猶護定

禪心數莖白髮悲遲暮蘇別庭碑續斷吟

感業寺

唐武則天爲尼處也

聞道當年玉輦過恩沾雨露此徧多門題感業顏猶
在樹老無枝話不磨宮闕已非唐土地庭碑仍記漢
山河填然鐘鼓諸天集尚擬綸音駐薜蘿

草堂寺

拄杖窮幽勝迢遙入翠岑松杉臺殿古院落草萊深
禮塔瞻龍象翻經憶寶林短筇歸日暮緩步亦行吟
曲江池次李中孚徵君韻

平疇一望盡嘉禾曲曲江流濬若沱千頃綠雲生曉

浪幾行白露踏秋波流觴已杳非唐世返日何能憶

魯戈

時有滇南之叛

獨羨商山高臥客蕭然長詠採芝歌

送劉允吉喬遷閩省副戎

大樹垂清世祇園蔭獨親畏寒風避鳥愛暖日依人
調燮思金龜折衝靖海塵灞橋寧惜別此去画麒麟

石安原遇雨

石安原下涇水渾石安原上雨翻盆莫問五陵豪貴
客野雲荒草扣誰門

行野

雪霽春光媚行行近渭流沙崩新柳岸雁集古城丘

坐石苔生翠牽衣草未柔短筇歸落日逸興滿滄洲

授永福菴宿

日夕尋精舍黃昏路覺迷小橋垂柳合叢竹壓墻低
榻照禪燈炯函封梵筴齊入門賓主句相見手先携

項木天張自維全遇之諸君子邀過崇慶王先

生園翫牡丹

舊第傳聞目未經辟疆春暖日開扇賦歸彭澤通三
徑花種沉香少一亭曲檻風生雲冉冉滿園葵秀露
零零杖藜幸赴三生約夢蝶遽然莫問醒

禮萬佛懺自維張處士以詩見貽次韻

編全世響 卷十一
仗擁諸天集寶臺爐烟裊裊玉函開三千響震獅音
吼萬德名稱象步回聽法老龍行雨至銜花靈鳥自
空來民生喜沐同仁化常奉金莖露一杯
華清宮壁閒次孟司馬韻 三首
繡嶺花飛異往常華清猶自說蓮湯可憐一脉溫泉
水長爲人間洗結腸

其二

唐帝行宮已不常殿門空鎖浴蘭湯烟光眺盡心如
醉不待梁頭解鹿腸

其三

怪物深潛若有常毒涎吐出沸如湯如何不比甘泉
水賦盡詞人錦繡腸

送吼林法侄赴都門

客裏難爲別天涯共此情燕京歸去好海會望來成
相對秋蟬發無妨夜月明此時當憶念吳越令當行
送徐班侯居士歸撫州

春山一帶嶂烟迷春樹嚶嚶有鳥啼爲覓世緣來塞
北得叅祖印復江西逢人語話音雖異去路風霜客
共棲萬里家山歸到日門前春色柳條齊

過普明寺

敲空遺響

卷十一

五

偶步普明寺槐陰爽徑分竹桃垂曉露樓閣鎖晴雲
詞客多留詠頭陀不論文晨昏鐘磬發渺渺下方聞
接新蔡宋子勉郡丞書請主金粟禪林
抱拙年來只放憨終期餐素每懷慚人從蓮社成新
約房偃松枝憶舊叅萬里關河傳雁字十年烽火隔
蘿龕鮑陽幸有知音在法護於今仰斗南

留別紫谷和尚

渭水相從近十年感君深意豈徒然宗壇更冀千秋
盛化日常期萬古懸蟾戲林光開塔影空澄嶽色釀
秋烟此情交老難爲別魚素還應到汝川

留別斗垣董子

秋空雲淨畫圖開遠近山川入望來繡渚蓼花紅映
水危峯杉檜翠成堆離情莫禁今時別古道難忘此
日培更憶金湯餘力在西風杖笠首頻回

庚子季夏得金粟書召余守先師塔不能獲辭
以燉煌方丈請滄涵和尚代席賦此誌別

事逼身來不自由長安雖好豈能留光揚祖域君須
出塔守師龕我更遊汝海平翻千尺浪渭津坐斷百
川流塤篋合奏天然別一調風前兩處酬

答汝寧熊恕雯太守來韻

抱拙窮廬念久灰何緣光射覆盆來霽澄風霧千山
靜日照殘雲萬里開苾草光生輝寶地心華筆吐燦
靈臺投機愧我非黃檗契悟先知裴相才

答新蔡朱雪沽明府來韻

迢遞關門萬里遙俄承君命遠相招雲林誼切今非
有覺地鍾情古獨超靖節芳規誠尚在端明勝躅未
全消芒屨冀待登龍日法護還瞻德澤饒

懋休和尚敲空遺響卷第十二終

懋休和尚敲空遺響卷第十二

關中張恂穉恭編閱
益州記室繼堯校訂

詩

南塘漫興 十二首

寂歷林居靜塵寰隔水涯橋通谿路斷石礙竹枝斜
密樹垂朱果長藤綴紫花已來鍾野趣吟興不妨賒

其二

曲水慳通棹柳遮青萬重掃苔供坐石招鶴待長松
閣迥雲間出亭依水際逢訓人多晦迹來往一枝筇
敲空遺響 卷十二 一

其三

方沼明於鏡清光若可分故能安懶性兼亦占閒雲
月上鐘初動林深世不聞會心常有處風入水成紋

其四

四面環依水樓臺似鑿空偶來祇樹裏不出道場中
柳影魚遊慣經聲鳥和融塵跡庭外少深寂雨空濛

其五

幽曠多竒絕林間怪石蹲雲深穿樹杪地裂走松根
池淨秋如洗沙虛岼若存連宵陰雨積新水漲堤痕

其六

一勺能爲趣翠環竹樹深行堤人倒影暗水柳垂陰
荇藻牽鳧浪林風度梵音都來空俗慮何處淨凡心

其七

顏額拈花閣開軒對水塘竹根寒石瘦梅蘂凍雲香
蹊折橋橫港空明塔射光天然圖画裏鐘鼓禮空王

其八

勝地偏幽僻亭依曲水廻翠雲籠樹合香露滴花開
空響風鳴葉鞋拖徑滑苔本無塵世擾擬應到蓬萊

其九

羣木搖池影遊鱗亂若登花將亭榭密水欲岸沙崩

風落新松子龍蟠老樹藤隔溪人語響飛鷺起前汀
其十

水際蒼烟合行來路轉迷晴吹魚戲浪風掠燕銜泥
遠岸迎花笑高枝聽鳥啼逍遙忘倦屣拄杖日相携
十一

樹色搖空翠花光暖路熏過橋方塔見隔水定鐘聞
月墮松間影天垂野外雲徘徊相顧步徑草綠微分

十二

高木晴簷外空濛水氣騰聚汀鷗鷺密灑露竹枝升
梵韻連蟬響花欄半客凭幽然蘿徑窈得佇看飛鵬

瓶中梅

傲雪孤根淨有因膽瓶分得一枝春燈窗影瘦渾疑
画竹榻香清暗襲人冷艷不隨烟篆裊淡情惟共道
心真一簾疎雨春光暮莫遣銜泥燕落塵

人日答朱留臣文學

人日春光好林塘更覺新冰鎔池上日樹裊雨中春
久困烟霞癖惟將木石親十年歸未得瀟灑隔風塵
微笑亭共戴宗摩文學

茅亭當靜立沙際狎鷗閒地仄皆因水林深若在山
雲浮春自寂翼倦鳥知還微笑名亭者可曾破此關

贈象屏丘明府署篆新蔡

藻鑑水壺久著聲喜瞻署篆過新城花明巷陌春初
曉月映琴臺景倍清飛鳥已知隆帝眷鳴絃應是洽
輿情佇看選績超三異定有徵書下玉京

寺中玉蘭

滿樹玲瓏擬玉堆清香時馥妙高臺須知有色超羣
卉自是無塵絕點埃露重曉窗高衲臥月明幽砌羽
人來霓裳曲裏休爭勝笑逐東風爛熳開

送子勉宋山主都門赴選

三月江城雨尙寒長途楊柳簇征鞍山公啟事行須

速蕭寺離情話欲難千里暮雲催去雁一灣春水抱
回巒到時聲價當青選報捷先聞至梵壇

送朱雪沽明府喬遷滇南安寧太守

帝念昆明困劫灰羽書新報瘴烟開山從六詔千峰
迥水接三湘萬里來借寇南天權鎖鑰調羹北闕待
鹽梅此行莫惜風塵苦建節須當司馬才

坐一草亭

斷岍橋頭置草亭廻環竹樹倚空青日斜風靜無人
到坐對方塘一卷經

蔡志八詠

有序

嘗聞郡邑諸志皆勒八景名人多倡和之以備采
風者知山川景物之勝新蔡亦有八詠閱志之暇
聊爲效顰貽譏不恤

關津晚渡

夾岸垂楊鎖暮天澄江一望水茫然鷗眠別浦閒沙
際烏趁歸帆集樹邊晚色綠沉平野翠晴霞紅映遠
村烟耦耕沮溺今何在尙有行人問渡船

龍口新晴

雨歇長林爽氣清嵐光遠霽蘸新晴粘花未破紅猶
潤染草初勻綠尙輕霧捲南天高楚岫雲開北闕拱

神京更於何處堪登眺碧水橋頭夕月生

三汊波瀾

衝波逆折倒回流雙合龍津杳靄浮激灩水光晴盪
日空濛樹色影涵秋輕鷗數點隣魚火奔馬千帆過
客舟應是詞源鍾豫汝長風破浪自悠悠

姜寨春耕

桑苞蠶事日紛紜布穀催春谷口聞井字分畦通舊
陌瓜藤蘸水漲斜曛長驅犍犢行耕雨暫歇犁鋤坐
綴文放牧歸來天色晚笛聲吹破一溪雲

九溝漁唱

九溝新水接天涯溪上漁人樂自嘉紅蓼岸邊晴曬
網白蘋洲畔釣橫車流雲半度織歌過澁浪微分短
櫂斜沽酒不辭青旆遠歸來和月臥蘆花

澗頭細雨

東望澗頭鳥不飛濛濛雨色掩朝暉青迷柳眼陰旋
合紅綻桃腮藥漸肥麥壠纔沾山土潤江城但覺冷
烟微何如蘓元爲霖去灑遍春疇處處霏

戚橋疎柳

依依柳色野橋虛沐雨梳風任自如繫馬條柔還掩
映藏鳥影淡只蕭疎翠絲時織鶯梭捷青眼頻窺燕

語餘遊子坐忘歸去晚幾回搔首更躊躇

勝井清流

古寺風高萬木蒼一泓澄澈有龍藏灘聲韻落含宮
徵樹色光生映晚陽不向禹門分錦浪潛通汝水入
淮長傳聞早禱蘓農困願沛甘霖潤入荒

寺中桃花

不並玄都麗來分梵苑春武陵持櫂者總是世情人
開落誰知幻品題自覺真堪嗟塵土客歲歲問迷津

寺中梅花

孤山真逸種誰植在禪房影瘦情元淡香清味更長

素心能傲雪冷艷獨欺霜自別林逋後何人看鶴翔
梧桐

聞道能棲鳳根培自有年取材枝尚古聽爨客偏憐
葉響沉秋雨陰森覆午天颺風驚忽至飛瀑下鳴泉
海棠

未放先成葉紅嬌襯綠陰昌州云有別工部獨無吟
簾拽風枝動塔移月影沉從來仙品異金屋豈能禁

鶯

金色佳公子枝頭送好音掠郊穿樹密修羽落花深
到處唯求友他時卻在林上方風日靜塵世莫相侵

菊

色以黃爲正餘皆未足倫此言聞古者嗜好自今人
秋老能離俗霜清不染塵唯教陶令賞醉裏獨知真

金粟禪林二十詠

拈花閣

拈花高閣勢崔嵬雲棟風窓次第開水色虛涵空世
界林光簇擁玉樓臺

宛在堂

竹護窓虛接野塘淨心宛在水中央長林只許高僧
臥滿地松陰月一牀

敲空遺響

卷十二

七

水月菴

霜葉蕭疎點碧嵐平湖湛湛隱蘿龕那知大士棲真處水月溪前話指南

此君亭

無肉何如有此君名流風韻昔時聞亭閒坐愛探詩卷秀色拖烟欲墮雲

清陰

千章古木晝陰森赤日行天暑不侵有客逃禪成午坐利名灰冷盡塵心

第五橋

塘邊野竹映寒空石架危橋接梵宮月上松門垂倒影却疑飲浪下長虹

水心亭

千樹垂絲兩岸莎水天涵碧點青螺輕舸不放遊人醉酌向中亭賦綠荷

幽篁深處

雨徑香生淡若秋萬竿清灑最深幽彈琴坐對微風起墮眼空青翠欲流

微笑亭

長堤楊柳接湖心一徑潏迂幾許深微笑那堪亭子

上春風拄杖日來尋

荻溪橋

一溝新水護招提桐葉吹花湛碧溪蘆荻自深塵跡
少往來橋上漫扶藜

乾坤一草亭

露電光陰夢幻身綠雲紅雨不勝春一莖草上乾坤
別勘破當年舊主人

九曲水

竹樹深藏水一方山陰何必問流觴萍開蕩漾輕舟
去轉過林花見草堂

留帶橋

寶帶欣留信有因錦袍錯落稱閒身當年坡老風流
甚猶有題橋繼美人

曲水慈航

晴雲擘絮柳初柔桂楫銜杯樂聖遊九曲六橋花外
轉海山何必問瀛洲

石梁橋

堤當斷處有橋通一石長跨百尺虹見說天台峰頂
上飛泉六月灑寒空

雲公塔院

敲空遺響

卷十二

九

矮栢千株繞院青天龍長護塔中靈豐碑昭豎傳燈
永從此南塘是祖庭

迎暉橋

空翠微分曙色開高林日射影初來何年驚起潭龍
臥刺脊長橫在水隈

普同塔

寶塔凌霄聳梵宮層層構結玉玲瓏中心未止藏龍
象想助文華豎筆峰

醒花草堂

綠陰深靜日初長醒眼花光映草堂偶啟竹窓聞鳥

語林風吹過煮茶香

通濟橋

小橋長駕碧溪頭今古行人濟未休試看道傍楊柳
樹長條折盡短條柔

寄關中諸大護法

迢遞青門憶舊遊別來今復見新秋香吹籬菊含朝
雨水落江天起暮鷗筆札久無鴻雁到津梁應繫故
山愁遙忌法社獅狓座異日還當着聖流

寄董斗垣文學

萬木蕭蕭落莽蒼江城西望立斜陽飛鴻始覺關河
敲空遺響

遠尺素寧辭道路長海內法幢還似昔天涯人世已
非常十年揮麈談心處杖屐相過記未忘

寄青門全孟元張子敏賈宗彞李孔門諸君子
千村木落曙烟寒悵別關河憶昔難故舊天涯真是
遠新知海內幾爲歡鶯聲每到林間聽雁足還從嶺
外看午坐虛堂唯隱几夢魂由自在長安

寄義真禪友

十載秦川喜共尋歸來此日已秋深只緣風木思廬
墓敢向雲林惜寸心北地時看鴻雁字西方常憶美
人音晚風獨立溪橋上遙望關門悵夕吟

九日送鳧岳郭明府歸蜀

金英殘菊媚籬光蜀客歸心路渺茫曠別多年纔一
會離情此日正重陽霜沉江樹排秋岸水湛晴莎映
野塘歸到故園松菊在莫愁無酒醉花傍

寄虎堂法弟

天中汝穴桂昌昌濟北宗師大樹行臥去林泉聲望
重叅來湖海道風長一籬菊綻憐秋晚片紙書成託
雁翔此日絲危垂祖道何時排闥起汾陽

壽汝寧恕雯熊太守

紫雲縹緲降仙真五馬堂開正小春雪映庭柯輝寶

樹冰清汝水淨埃塵鶴琴聲著衣冠美繡袴歌揚德
澤新更喜弧光台省近循良早已卜楓宸

雲松遠侄禪師自秦中來

冬寒愛日步林垞拄杖尋詩過草亭撲面霜花飛地
白打頭風葉落天青懷人每憶三生石遮眼唯憑一
卷經聞道故人千里至免將幽意託鴻冥

鐵筆行贈王同人文學

鮑陽近代有王生楷書精妙擅時名風流不減王內
史體勢更愈歐率更毫書工罷操鐵筆露灑星飛落
磐石錚錚風樹入秋聲恍如靜夜神鬼泣飛龍鳥跡

事杳茫周宣石鼓裂岐陽倒薤籀文今已矣蘭亭墓
底徒悲傷王生筆藝妙天下鐫我師銘永光大何如
盛貯篋笥中一日汝南高紙價响嘍峰頭總不如鐵
心穿硯淬鋒初太平天子紀功績金券還當待爾書
壽毛天羽廣文

玉梅香噴五雲開此際欣逢嶽降來鵬翼早驚騰萬
里春風今喜育羣才尊傳北海文章盛筵對南山壽
域培竚視上林迎鶴駕珊珊劍佩近三台

雷

節序嚴冬暮中宵忽震雷勢傾驚地坼聲發迸天開

雪霰風還勁江寒浪復摧天公知有意浮世漫相猜

壬戌元旦

烏啼漏盡曉寒催臘去春田曙色來雲隱雕甍金闕
迥經傳繡帙玉函開爐烟裊裊迎獅座淑氣蒸蒸拂
寶臺仰祝吾皇無量壽諸天鐘鼓震如雷

同諸禪人坐微笑亭

當年微笑說拈花此日名亭意頗賒座列諸賢推象
馬機訓一語定龍蛇看梅暖放窓前藥煮雪香生鼎
內茶理策歸來池上望眠鷗兩兩聚汀沙

至官津

卽子路問津處

春日臨河一澗津流漸斂碧水粼粼青欺岸柳將辭
雪綠轉商船欲礙蘋岐路已知無墮淚耦耕猶記說
前人轍環漫謂無機智聖道於今盡屬塵

送獻雲心一二禪人歸西安

春城花月影遲遲送子亭臯悵別離一帶曉烟村店
柳幾行歸雁旅人思關河目斷黃塵暗客路春深碧
草知歸到長安如有問南塘新水漲春池

渡洪河訪陳洪野真士

曲水抱城流舟橫古渡頭長空群雁過到岸一帆收
蟄起蛟龍窟翔迴鷗鷺洲欲尋仙子住遙望白雲浮
蔽空遺響

寄陳洪野

憶別西風歲幾更憐君又徙隔江城黃金有藥誰求
得白髮無情事可明雨後看山隨足徙花前倚杖趨
春情應知四大虛調攝學得無生勝養生

送滄涵和尚歸風穴

何緣歸興遽匆匆去住關心彼此同兄弟髮斑身俱
老師龕株守歲何窮竒峰轟轟荒烟外客路萋萋野
草中為憶白雲深密處宗壇遙望振家風

絕句

茅屋幾人家板橋仄徑斜秋林晴亦雨春塢暖多花

答任木菴明府山右解組先以詩見寄次韻

曾向林丘度歲華菜根滋味共吾家不誇元禮登龍
客豈羨張騫泛斗槎八社喜知今日是折腰幸悔昔
年差一尊詩酒青山在滿壑松陰待墨花

木菴善書故云

壽新蔡于克大明府

十二瓊樓敞玉扉金英浥露菊初肥風清羽駕臨丹
鶴嶽降嵩靈下紫薇淮甸穗岐歌政美鮑陽化洽沐
春暉此時載道歡聲滿聽祝沙堤待漏歸

看梅

淡淡香風透竹門孤山清韻孰銷魂芒屨不惜春光

敲空遺響

卷十二

十四

遍踏到溪南第幾村

苦雪吟

正月中旬已動雷仲春日見雪飛來黃金凍折池邊
柳白玉摧殘閣外梅石砌都不逃鶴徑竹牀常冷護
冰胎豐年不用多爲瑞米貴柴荒處處哀

酬袁輝生文學原韻

佳景寧幽遜高人過結緣雪消梅影瘦春上柳枝妍
學就今時悟經元舊日傳心齋云坐久卽此是逃禪

過野櫟

幽尋拄杖過田家二月山桃未放花隔水籬根聞吠

犬荒塘牛背有棲鴉千塍麥秀浮村綠一帶春晴趁
竹斜遙望炊烟出樹杪重重茅屋碧雲遮

天羽毛廣文見過

院深苔色靜風定鳥聲和只應野人住那堪高士過
開鐘停午課爇鼎煮松蘿相顧忘言笑冥心契若何

贈于克大明府

帝里賢書貴先推製錦來春雲籠月檻花霧靄琴臺
麥岐民無餒袴歌禁有開風烟百里靜瀟灑稱清才

送毛天羽歸大梁省親

送客當春候天桃艷欲飛騎塵人去遠花埭鳥爭歸

敲空遺響

卷十二

十五

一席青氈冷雙親白髮違何時旋馬首傾想落珠幾

酬劉叔子進士久雨原韻 十首

積雨空林久三春花事稀
祗看苔滿徑那更日開扉
踈磬沉烟濕寒雲逗竹飛
柴荒兼米貴鉢裏孰知饑

其二

兀坐清除寐中宵覺爽然
挑燈明佛火續篆裊爐烟
雨咽鐘聲暗風狂水氣懸
想當塵土客應著祖生鞭

其三

湄雲朝復夜春木雨踈踈
破悶親茶碾評詩對草廬
欲籌經世策還讀古人書
何處尋真隱予同卜此居

其四

水近寒生早茅堂睡起遲
青山終有待白髮應無私
梵筵雲常護匡牀首自垂
紙窓塵跡暗衡點日相貽

其五

松扉長掩綠禪坐漏深時
已得安心法何須歎路岐
肆情歌自放脫穎事誰思
鷲嶺拈花意叅詢幾個知

其六

桐葉當檐靜枝間聽鳥鳴
披衣還起坐拄杖一經行
石畔茶烟豁花邊露氣清
隔牆人語亂總是不關情

其七

敲空遺響

卷十二

七

矮榻從雲度翻書任鳥窺徑逃烟草合牖起竹風隨
苔長經旬雨水深到石涯寒煨楮袖盡應得午炊遲

其八

深林春雨密蘚滑徑爲雙水滯橫塘鷺雲逃過客舟
牀頭林靄濕砌下水泉留還憶宜都石鞭能可一投

其九

池草芳春綠詩懷觸處生粘花交露重睡鴨襯雲輕
雕技年來廢幽思夢不成相過投句客應讓占時名

其十

三月連陰雨一龕晏坐時茅簷長響溜土竈悉停炊

泥滓飾難計香臺步少期何當慰寂寞壁上有題詩

耿再中園賞香元次劉叔子韻

香元植近草堂邊顥顥團圓映日鮮品貴由分金色
艷質沉還歷翠枝偏琴牀日對成三友拄杖時過繫
百錢沽後醉吟狂有興如椽書破薛濤箋

聞宋子勉除叙州府郡丞

故人三載歎離居帝簡今聞下玉除望裏飛塵來北
騎簷邊乾鵲噪南廬画堂先慰親顏喜鄉井咸稱世
業如此日林泉消夙慮不將鴻雁託傳書

酬劉叔子見贈原韻

綵箋新寄到蓮宮
露盥薔薇翫莫窮
二酉瑤華飛翰外
九天珠唾落毫中
南宮策射魁多選
北海尊開酒不空
他日鳳池銜紫佩
還將雨露潤同風

酬余洪基文學

任運隨瀟灑萍踪處處緣
觀心依樹下聽鳥到橋邊
詞客投新句心燈續舊傳
菲躬如有借好待靜安禪

送子勉宋郡丞之任叙州永寧衛

少年通籍徽前烈
鮑水名家世闡鉞
黃金綴頂赤錦袍
丰標玉立清如雪
憶昔讀書萬卷樓
綵筆端擬奪科頭
一朝金門趨獻策
虎闡捷射占時流
丈夫志氣

衝牛斗匡君有術寧爲後
咕嗶那能效老儒糟粕區
區徒自守竹符今剖去蠶叢翠
聳巫山十二峰蜀道連雲
幾千里日駕高標迴六龍
浪花噴雪如雷震兩岸
猿聲驚客鬢黃牛峽口挽千船
灑灑波濤真可信想當蜀中全盛時
胡爲劫運相遷移千村萬落無烟
火撫字昭蘇念子遺我今送君
汝水陽殷勤爲折河邊柳一聲驪
歌隴上來相勸不必陽關酒
人生謾說行路難故鄉空望幾盤桓
極目瞿塘烟棹遠日落空山
杜宇寒君到蘭州當自愛
考績他年終有待魚素常教寄南塘
祇林緇白憑仰賴

又代

少年佐郡蜀江頭重地須當著俊流入境先登魚腹
渚籌邊應上錦官樓地開巫峽通三楚天限雄藩控
九州爲計隼旗將到日峩嵒山月正清秋

謾興

雨苔生翠滿階除嫩草新蟬意莫如渴病已銷茶竈
火心王久遣倦魔書每看蟻子尋腥誤堪歎痴蠅逐
臭虛澗飲松餐能幾得只安魂夢在蝸廬

朔旦祝延

梵音高唱肅爐熏曙日晴開萬樹雲旛影乍臨猊座
暗磬聲初落下方聞三身佛號傳天竺萬壽歌揚祝
聖君廬嶽不須重問社如今四海喜同文

晚燒

燒入祇林映赤霞晴烘寶樹半雲遮蟬聲處處驚飛
葉草色萋萋帶落花駁地蒼苔蝸作篆橫塘白水鷺
爲家涼秋不禁單衣褐獨立風前數暮鴉

南塘

滅跼青鼃岍有衣銜泥紫燕日爭飛亭遮楊柳遵沙
渚水沉桃花繞釣磯竹暗橋邊三徑杳月明林下一
僧歸忘機自是閒鷗鳥無那鐘聲出翠微

敲空遺響

卷十二

十九

壽純喆和尚

聲光早著邁同儔百丈津梁據上流鯨釣今看垂激
水獅絃昔撫振中州遙瞻海上籌添屋應笑人間杖
刻鳩無位真人長浩劫火雲堆裏駕慈舟

送龍牙中巖和尚赴都門

剪雲將補破袈裟落葉堆堆覆結跏千里同風來楚
客一杯木渡自龍牙欲恢祖域清魔斧特詣都門叩
帝家盛世於今隆外護宗壇終復看拈花

酬緝紳劉木齋護法見過留詠

空林養拙戶常關古栢陰森盡日閒結課人來溫洛
社栽蓮客到白香山霜清古木聞高詠石瘦寒梅見
破顏携手橋頭重話別紛紛倦翼鳥飛還

癸亥冬初解金粟院事口占志喜

纔欣無事到林丘一榻翛然萬慮休脫木棲鴉渾似
葉荒雲宿鷺靜如秋窓前雪裹梅爭放石外烟消竹
自幽從此萍踪無定止暫將幽興寄溪頭

雪

如梅似絮亂空飄一色虛明望裏遙白占疎林先樹
見翠埋欹竹幾枝饒淺深莫辨溪邊路高下難分水
面橋縱使世間煩熨處自從經冷便魂銷

雪中寄懷劉木齋

飄飄瑞雪滿園林，靜掩松門宿霧沉。
定鉢香傳鐘鼓暗，虛簷梅拂草茅陰。
詩懷頓發高人句，大地開明古佛心。
訪戴無能重覓棹，空將幽思付閒吟。

雪中簡劉叔子

閉戶常終日，堆堆雪滿林。
靜中無世慮，淡處見禪心。
蝶夢隨莊化，雞談羨宋深。
吟懷思叔度，悵望野雲沉。

塔院新居

三首

塔院欣初住，方塘始結茅。
簷棲廵凍鳥，雪片灑寒燈。
永日誰相得，干時我不能。
往來溪上路，拄杖一枝藤。

其二

安拙從吾志，衡門興自嘉。
烹茶吟月色，隣笛落梅花。
葉滿林間路，鷗眠渚上沙。
從來踈懶性，應得看流霞。

其三

茅屋東林側，柴門傍水開。
石邊幾個竹，窗外數枝梅。
客爲看花至，僧多禮塔來。
悠然逸興遠，竟日一徘徊。
虎堂和尚繼席金粟賦贈

祖擔重挑，借息肩從來。
法社着英賢，山頭躍鯉闡新。
唱室內傳燈憶舊緣，翠竹風敲聲愈古。
靈松雪老色偏妍，看將一勺南塘水。
爲雨爲霖潤大千。

懷山居

老去心情只愛山
何時歸去足清閒
門常草掩塵緣少
石自苔封世絕攀
折木隨風供爨底
引泉倩笕到厨間
白雲嶺上誰收拾
飛去飛來任往還

池上

池邊竹樹接香臺
殿閣參差傍水開
拄杖有時閒自適
看花聽鳥幾回來

留別于克大明府

四載南塘有勝緣
棠陰借蔭得安禪
心空妙諦王摩詰
道契真乘楊大年
案牘豈知元貝葉
宰官須信卽

金仙暫虛前席遊
西土異日重栽白社蓮

留別焦大生廣文

春城和煦靄氤氳
敝褐支筇袂欲分
璧水春晴延蔡國
嶽蓮曉發望秦雲
千村夕照鴉翻陣
萬里風高鶴破群
從此天涯魚信遠
何時尊酒再論文

別李蔚文孝廉

倦鳥思林欲息飛
短筇支草綠還微
金含柳色迎官路
玉破梅香襲客衣
水國天晴魚躍暖
關門地迥雁行稀
臨河不用多傷別
自是雲情得便歸

別金粟禪林

杖笠棲遲近四年逢場竿木只隨緣六橋花雨飄金
錫一徑松濤洗翠烟塔院種成棲鶴樹池塘鑿就養
龍淵於今無愧林泉去更冀香幢起法筵

拜別雲老和尚塔

千斤祖擔誠非易拄杖橫肩獨自行雖續傳燈猶愧
子未能弘法尙慚生光分塵尾承先澤派行滹沱冀
後英此日塔前空拜別淒涼風木痛含情

別金粟大眾

一笠春風拄杖頭驪歌曉唱出林丘已看師友成新
席無那因緣續舊遊花發林間競藥放雪消河畔解

水流臨岐一語無多囑祖道垂危賴爾儔

耿天逸文學以詩祖餞卽席酬韻

春日融和喜載陽玉華璀璨噴梅香乘風破浪鯤將
徙布字凌雲雁正翔紫茁蘭芽增地秀紅苞杏藥見
天章何緣惠我驚人句敢惜珍藏念不忘

過汝寧留別廣慧純喆和尚

華河正憶放參鐘歸興長於詩興濃兩隻草鞋獐似
虎一條拄杖活如龍煩君壯志宗當振愧我殘年老
更慵此日淮康相話別春晴客路草茸茸

過汝州風穴留別滄涵和尚

祖道垂危正及秋全瞻砥柱屹中流障回汝海千波
靜坐斷雲峰萬壑幽栢釀泉聲隣翠巘風敲竹韻入
高樓何時再詰風旛論共掃莓苔坐石頭

酬張自維處士

四載離關內重來更覺新露桃初放藥官柳正知春
社享民扶醉田歌韻絕塵柴桑良有士尙憶虎溪人

春日過韋曲

雪盡郊原百草生春和處處有啼鶯柳遮翠陌烟初
合花落紅畚野破耕亂石到溪流水響長林放眼遠
山晴滄桑幾度非韋曲野老猶傳舊日名

過百塔寺紫谷和尚

石徑穿雲到翠微日高山寺未開扉閒中品物輸龍
象物外烟霞信衲衣塔隱靈松蘿欲放花銜深谷鳥
方歸山居道者忘塵慮獨坐蒲團久息機

圖撫臺過訪

諱爾宸乙未鼎甲

蕭條門徑不堪憂車馬何緣肯一遊色映雕甍搖紫
戟香浮金鞵駐驂騮久知姓字參龍榜已睹奎文壓
虎頭攬轡澄清天下望忘機未許狎輕鷗

楊子簡文學以詩見貽次韻答謝

松咽濤聲入夢流驚回明月到梁頭人懷短髮心同

素竹對長竿節共道展卷豈能齊上策看山還復步
平疇何緣寄我瓊瑤句快意如登謝眺樓

酬韓山公文學

卜得幽棲不買山鄰居近喜接禪關文章虎繡三川
外世業龍圖八水間醒眼詎能忘物去醉心終是愛
雲還獅牀待坐何時借四大空空只自閒

晝寢

花落禪房厚作茵老榆木枕就閒身簷前雀鬪驚回
夢階下蟻爭已聚塵斷壁走蝸文字古空林過雨石
苔新誰將伎倆隨莊蝶嗟彼蘧蘧負一春

紅木槿花

滿樹嫣然蜀錦堆羣芳落盡蝶蜂來光含瑪瑙英初
結色孕燕支蕊乍開六月火雲燒不死一林香氣暑
還裁靜觀道者情元幻鉢底松花得共陪

除夕壽張副戎

高牙風拂動長安臘盡春回朔氣寒雪噴玉梅開虎
帳桃迎金母餽螭盤稱觴士躋元戎府推轂鶯遷上
將壇獻歲明朝欣令節長庚光耀五雲端

白木槿花

皎皎枝頭冒暑開清香時拂妙高臺絕塵自是水心

老傲熟還從雪嶺來天上銀河乘夜淨人間玉樹逐
鸞回幽芳未許他相並遊戲蟾蜍莫浪猜

偶興

翠靄重重祇樹林山厨宿雨曉烟沉花光寒映墻頭
濕柳色風搖屋角深四野草萊宣祖意滿庭松栢靜
人心懶殘別有超方句未許時流造次吟

長安舊城

策蹇南來入古城綠雲金地菜花生柳舒官道青垂
影鳥構危巢屋傍鳴蔬圃緋連開杏色柴門靜掩讀
書聲西方原隰消磨盡野老紛紜試耦耕

壽馬副戎

薰風拂拂火雲屯天大將軍此現身五百期昌名碩
士三千桃實獻真人威行邊塞烽烟靜澤及關河雨
露新暢好豐功榮八座登壇早已卜楓宸

過普濟菴贈徹宗上人

離城未十里南面是終南塔占雲松古花沉露朶酣
閑欹臨蘚石自掃啓香龕衆數酬人問前三與後三

圖制臺見過

庭際陰移樹影斜鑣鳴歷歷近山家光生画戟朱纓
麗劔列星文紫氣賒虎報雲屯圍甲士龍旗風動駐

雲駟山堂不盡談心曲鼓角聲催候晚衙

胡君儔文學以遊牛頭寺佳什見貽次韻 三首

見說牛頭寺層岩最上頭田衣僧畎畝石瀨鷺汀洲

興至情都遣詩成景盡收何時策杖去日日共追遊

壁間韻

名山勝地足遊觀石磴縈紆上幾盤樹色一林春入

翠花光滿院露凝寒壁間題詠多詞客潭底潛龍少

釣竿遙望終南岩壑好又拖拄杖過層巒

少陵祠韻

詩學從來仰大成當年藻思動神京荒祠宿莽鴟頭

暗野店炊烟谷口橫海內文章人盛昔夔州詞賦氣

還生豪吟已逐空山盡騷客由含弔古情

布撫臺見過

金勒郊廵到上方朱纓簇簇禮空王伊周世業勲名

重夔契經綸撫字良午夜月明關塞靜中書風動墨

池香宸衷指日遷調鼎佇看鹽梅沛澤長

壽咸寧白友梅明府

氤氳紫氣接香臺道是吾公嶽降來仙使翩翩迎玉

珮梅英冉冉拂霞杯河陽績著花多種魏闕名高錦

讓裁此日關中欣介壽弧光早已近三台

酬華州郭茂遠文學寄懷原韻

雲峰遙望畢山尖
喜和新詩筆數拈
每歎人龍懷馬
岌難裁別恨賦江淹
心齋已見形神化
面壁競聞世
口箝爲語折巾高
尙士時清不用更求潛

送僧之峩峩

見說峨峩去幽懷
憶昔時岩深千丈雪
樹老萬年枝
有夢勞傾想無愁惜別離
峰頭如到日爲念爾題詩

葛制臺見過

雪霽空明映遠山
旌旗閃爍到禪關
風吹鼓角威聲
壯日射金田曙色開
問法竟能忘世相
籌邊早已靖

驕頑賢臣不待王褒頌
知在凌烟第一班

關中八景朝邑朱明府
繪圖題詠勒石於長安
費宮之墨峒一時聞人韻
士競相屬和偶客過予曰
師於宗門通文字禪
可能爲我一一詠乎
遂應之各賦一首

太白積雪

山容積素凝清標
夕陽西映光迢迢
峩峩顛色絕氛
滓千古萬古摩雲霄
猿鳥飛攀不敢度
仙客碁蹤恐亦誤
變幻須臾烟霧橫
瑤臺瓊室知何處

畢嶽仙掌

華嶽峯頭有奇異五指參差撐絕壁雪霽高懸掌跡
明攬霧拏雲搏白日傳聞巨靈擘此山東措王屋西
不還神功浩杳難可測層崖空望不可攀

咸陽古渡

碧葦紅蓼兩岸斜沿汀鳧雁團平沙車馬黃塵來何
處渡頭競立心紛拏白波篙動羅紋捲水勢吞空客
路遠到岸爭聲語亂譁日脚明邊看策蹇

灞柳風雪

風弄柔條柳欲折狂花飛作江天雪三川秀色掩糝
糊灞水沆漭聲泱泱撲地成團吹作堆行看客騎共

徘徊忽然捲盡青山出紫燕翩翩掠徑來

曲江流飲

春水年年綠蒲池遊人口日鬪花枝酣觴倒側搖波
影翻手探囊索賦詩翠輦不來春已老陌上殘紅空
自好爲囑封家十八姨殷勤點綴池邊草

雁塔晨鐘

露下客衾寒氣重鐘聲何處驚殘夢隱隱城南半徹
天星沒銀河光欲動隣鷄聲亂隔垣啼曙色微茫日
漸曦欵段欲騎出門去滿地炊烟竹院迷

草堂烟霧

鐘磬訇訇度雲木塔尖隱隱露山麓炊烟散作霧滿
川樓閣微茫隔村屋板橋橫接竹間扉數隣紫芋黃
精肥十萬紅塵飛不到樹裏時見一僧歸

驪山晚照

殘日林光潑翠巘鴛瓦鱗鱗砌宮殿繡嶺春殘花事
稀温湯香逼浮金鞦麗姬烽火聞自周華清宮漏說
唐留遊人博醉橫山麓臥看紅紫眩峯頭

寄懷李雪岩參軍

蓬心無日不西州憶別經年又復秋鄉國幸同居錦
水詩懷喜共話林丘延平道在誰知己倚馬才雄自

少儔欲寄魚書清渭遠蒹葭極目思悠悠

喜晴

宿雨今方霽開愁得暫寬苔荒多屐齒溜盡少風湍
村落斜陽裏岡巒久照殘穀登完歲歉殊覺有餘安
百塔晚望南五臺

臨風倚杖立黃昏畏虎人家早閉門蔓草離披山下
寺炊烟歷亂水邊村峯敲磬落飄空度谷唱樵歸宿
霧屯遙望五臺天色暮瀑花濺石動雲根

樊川

青陽舒節候拄杖亦幽尋春色花包藥泉聲石漱琴

傍村連竹塢夾徑落槐陰意念樊川久沿溪不厭深
壽西安董太尊

金風初振絡緯啼申甫維靈又降西仙馭青來鸞作
使關門紫映氣爲霓百城屏翰瞻察案五袴歡歌聽
庶黎此日九如申祝頌徵書乘傳有沙堤

酬陸伯彩文學遊牛頭寺原韻

牛頭岩寺古見說好林間松老龍鱗集雲深鶴夢閒
道心生寂歷塵世絕追攀徃徃投閑客將金欲買山
酬駱子昌胡源緒子飛遠諸文學賞牡丹原韻
五首

詞客名花兩會難新詩貽勝九還丹禪心已逐孤雲
靜色相空空孰解看

其二

天涯蹤跡遇爲難見說群公詠牡丹何幸高吟叨一
和几前吮筆幾回看

其三

世事誰將較易難藥珠不羨說金丹繁華過眼空塵
蹟好對花王秉燭看

其四

洛下品題見已難梵宮幽寂秀凝丹蝶蜂漫鬪穿翎

錦留待詩人取次看

其五

藐姑仙子並還難一捻腥紅似染丹盡日飛觴留客
醉香光猶隔霧中看

壽長安郭乾一明府

晴和晷運喜初陽嶽降春城此日良杏吐紅霞方映
水蘭苞紫砌正吹香民謠已驗關中化帝賚還瞻魏
闕光方外久知容借座何妨介壽一稱觴

酬張益君文學

柴門一望曙烟橫雲樹蒼茫隔近城新竹乍看青玉
出榴花偏照碧窓明翰香忽起龍蛇潤藻句俄傳燕
雀驚欲就趨庭陪鯉對不堪懶性許誰爭

卽景柬張穉恭

春去郊園蝶粉輕深林古寺尚寒生花英檻外飛無
影燕語梁間聽有聲霧捲千山朝旭靜村連萬樹晚
霞晴共將茗椀消凡福來往香臺不厭頻

雨霽望青華山

咫尺青華未可通上方臺殿碧雲籠樵歸山徑莓苔
滑鳥啄村園柿子紅澗底聲喧連日雨簷前鐸報一
天風明朝拄杖憑虛上萬井千畦眺眼中

從青華至翠微山靜陽真士菴

鳥道盤空上紆迴石磴斜探竒踰翠嶺乘輿過青華
樹杪危峯墮雲根宿莽餘香清芝浥露澗響瀑飛花
薜荔巖多隱莓苔徑半遮林翻猿振嘯石迸竹抽芽
遠岫排爲障細流滙作洼名山真可樂塵世寂無譁
髮素憐渠瘦心灰愛爾佳數椽堪偃息共此老烟霞

宿翠微山

暫借峯頭一宿眠身輕猶在史冬天欲知現業無岐
徑已料前因有勝緣夜靜風來號古木山深雨過響
流泉幽情自是清人骨好待開池種白蓮

贈西安許糧臺陞雲南總憲

寵命分符出御墀奚囊琴鶴更清竒供需直駕蕭何
術強富寧誇劉晏儀勵節一壺冰玉映憲邦百度豸
輪燹新秋喜接新遷報願借滇南寇一時

西安董太尊偕咸長兩邑侯過訪

山寺倏然到宰官蕭條門徑不生寒言中透脫機先
峻句裏藏鋒道覺寬色映翠蘿朝雨過聲傳嬌語暮
鶯歡宦情肯覓消閑地滿目雲松不厭看

玄都觀

當年形勝說玄都觀裏千桃樹已無不見星官占斗

極惟看村舍起田廬狐穿土穴藏高塚鶴去仙壇盡
宿烏紫氣銷沉踪跡杳長空夜夜月輪孤

壽總河王制臺

名稱四得壽居先弧矢重看此日懸寶瑟聲聞仙子
駐瑤華香度海桃鮮功超大禹齊前聖績懋平江裕
後賢咫尺三台咸屬望萬年歡奏樂鈞天

贈天童慰弘和尚

聲光赫奕仰天童崛起臯亭道獨雄三尺青萍全殺
活一條白棒打虛空山花映水生紅浪野鳥呼人下
翠叢應是祖翁家法在竚看寰海振宗風

楊子渡

萬里長江水扁舟渡去輕金山看有寺鐵甕擬無城
浪拍鼉聲震波翻日色明從來湖海志更欲釣鯤鯨

嘉興烟雨樓

鴛水湖邊烟雨樓高城日上瀟江流凭欄俯瞰千門
曉觸目豪吟萬里秋方外乾坤輸野衲閉中日月讓
輕鷗兼葑極盡滄波外應有羊裘在釣舟

懋休和尚敲空遺響卷第十二終

